



ჯანმრთელობის დაცვისა და სოციალურ საკითხთა  
კომისიის სხდომის ოქმი №16

11 სექტემბერი, 2018 წელი  
11:00 საათი

(ჯანმრთელობის დაცვისა და სოციალურ საკითხთა კომისიის ოთახი 329)

სხდომას ესწრებოდნენ ჯანმრთელობის დაცვისა და სოციალურ საკითხთა  
კომისიის წევრები:

1. გიორგი დობტურიშვილი
2. თამარ ტალიაშვილი
3. ოთარ გრიგოლია
4. გიორგი მუსხელიშვილი
5. დათო ჟღენტი
6. ლილე ლიპარტელიანი

მოწვეული სტუმრები:

გელა ჩივიაშვილი-ჯანდაცვის და სოციალური მომსახურების საქალაქო სამსახურის  
უფროსი.

სხდომის დღის წესრიგი:

„ქალაქ თბილისის მუნიციპალიტეტის ბიუჯეტით გათვალისწინებული  
ჯანმრთელობის დაცვის ქვეპროგრამების განხორციელების წესების დამტკიცების  
შესახებ“ ქალაქ თბილისის მუნიციპალიტეტის საკრებულოს 2017 წლის 26 დეკემბრის  
N8-22

დადგენილებაში ცვლილების შეტანის შესახებ” ქალაქ თბილისის მუნიციპალიტეტის  
საკრებულოს დადგენილების პროექტის თაობაზე  
( 12-0318222175-03 10.08.2018)

სხდომას თავმჯდომარეობდა ჯანმრთელობის დაცვისა და სოციალურ საკითხთა კომისიის  
თავმჯდომარის მოვალეობის შემსრულებელი გიორგი დობტურიშვილი.

გიორგი დობტურიშვილი მიესალმა დამსწრე საზოგადოებას და სხდომა გახსნილად  
გამოაცხადა. კომისიის წევრებს და მოწვეულ სტუმრებს წარმოუდგინა ქვორუმი და გაზცნო  
დღის წესრიგი.

ჯანმრთელობის დაცვისა და სოციალურ საკითხთა კომისიის წევრთა მიერ მოწონებულ იქნა  
და დამტკიცდა სხდომის დღის წესრიგი.

- მომხსენებელმა, გელა ჩივიაშვილმა წარადგინა „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ“ ქალაქ თბილისის

მუნიციპალიტეტის საკრებულოს 2017 წლის 26 დეკემბრის N8-22 დადგენილებაში ცვლილების შეტანის შესახებ” ქალაქ თბილისის მუნიციპალიტეტის საკრებულოს დადგენილების პროექტი, კერძოდ ცვლილება შედის:

“დაავადებათა სკრინინგის ქვეპროგრამის განხორციელების წესში”(დანართი #1) და წესის:

ა) მე-3 მუხლის მე-4 პუნქტს ემატება შემდეგი შინაარსის „გ“ ქვეპუნქტი:

„გ) ამ წესის მე-7 მუხლის პირველი პუნქტით გათვალისწინებული შემოწმების შედეგად გაკეთებული დასკვნის საფუძველზე განმახორციელებელი უფლებამოსილია მიმწოდებელს წერილობით შეტყობინებით გაუუქმოს ქვეპროგრამაში რეგისტრაცია“.

ბ) მე-3 მუხლის მე-5 პუნქტი ჩამოყალიბდება შემდეგი რედაქციით:

ქ. თბილისის მუნიციპალიტეტის ა(ა)იპ „ეროვნული სკრინინგ ცენტრი“(ს/კ 202442730) (შემდგომში -ცენტრი) უზრუნველყოფს მის ბაზაზე არსებული ელექტრონული სინფორმაციო პროგრამის (შემდგომში- საინფორმაციო პროგრამა) დანერგვას ქვეპროგრამის მიმწოდებლებთან განმახორციელებლის შეტყობინებიდან არაუგვიანეს 5 სამუშაო დღისა“.

გ) მე-7 მუხლის პირველი პუნქტი ჩამოყალიბდება შემდეგი რედაქციით:

1. განმახორციელებელი პერიოდულად ამოწმებს ცენტრის/მისი კონტრაქტორის ან/და ფილიალის ან/და მობილური გუნდის მიერ ქვეპროგრამის ფარგლებში განხორციელებულ საქმიანობას. შემოწმებას ახორციელებს ქვეპროგრამის განმახორციელებლის შესაბამისი ქვედანაყოფი ქვეპროგრამის განმახორციელებლის დებულების შესაბამისად.

დ) მე-7 მუხლის პირველ პუნქტს დაემატება 1<sup>1</sup>პუნქტი და ჩამოყალიბდება შემდეგი რედაქციით:

„1<sup>1</sup>. „ცენტრი უზრუნველყოფს ქვეპროგრამის მიმწოდებლის /მისი კონტრაქტორის ან/და ფილიალის ან/და მობილური გუნდის მიერ ქვეპროგრამის ფარგლებში განხორციელებული საქმიანობის შემოწმებას, გარდა ცენტრის/მისი კონტრაქტორის ან/და ფილიალის ან/და მობილური გუნდის მიერ ქვეპროგრამის ფარგლებში განხორციელებულ საქმიანობას. შემოწმების განხორციელების ფორმა და მექანიზმი განისაზღვრება ქვეპროგრამის განმახორციელებელთან შეთანხმებით. ცენტრი ყოველთვიურად წარუდგენს ქვეპროგრამის განმახორციელებელს შემოწმების შედეგებს“.

უნდა აღინიშნოს, რომ ვინაიდან წინამდებარე პროექტის მიხედვით, ქვეპროგრამის მიმწოდებლად და მისი საქმიანობის მაკონტროლებელ ორგანოდ მოიაზრებოდა იდენტური დაწესებულება, რაც ამავდროულად ქმნიდა ინტერესთა კონფლიქტის წარმოშობის საფრთხეს, ჯანდაცვისა და სოციალურ საკითხთა კომისიის წევრების მიერ მითითებული შენიშვნების გათვალისწინებით წარმოდგენილი იქნა დადგენილების პროექტში ცვლილება. კერძოდ, მოქმედი რედაქციით, ქვეპროგრამის ფარგლებში ცენტრის („ეროვნული სკრინინგ ცენტრი“) მიერ განხორციელებული საქმიანობის შემოწმებას უზრუნველყოფს ქვეპროგრამის განმახორციელებელი (ქ. თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახური). ამასთან, ცენტრს („ეროვნული სკრინინგ ცენტრი“)

ენიჭება უფლებამოსილება უზრუნველყოს მიმწოდებლის/მისი კონტრაქტორის ან/და ფილიალის მიერ ქვეპროგრამის ფარგლებში განხორციელებული საქმიანობის შემოწმება.

კომისიის წევრების მხრიდან ცვლილების პროექტთან დაკავშირებით არ გამოთქმულა შენიშვნები.

კომისიის თავმჯდომარის მოვალეობის შემსრულებელმა საკითხი დააყენა კენჭისყრაზე:

მომხრე: 6

წინააღმდეგი: 0

თავი შეიკავა: 0

### კომისიამ დაადგინა

პროექტი განხილული იქნას საკრებულოს უახლოეს სხდომაზე ჯანმრთელობის დაცვისა და სოციალურ საკითხთა კომისიის უმრავლესობის დადებითი რეკომენდაციით.

კომისიის თავმჯდომარის მოვალეობის შემსრულებელმა სხდომა დახურულად გამოაცხადა.

ჯანმრთელობის დაცვისა და სოციალურ  
საკითხთა კომისიის თავმჯდომარის  
მოვალეობის შემსრულებელი

გიორგი დობტურიშვილი

